

Sarajevo,

Broj:

15-05-2018

0203-25478

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 0305-24633 od 10.05.2018. godine, Generalna direktorica donosi:

### **ODLUKU**

o poništenju postupka nabavke  
za izvođenje radova za sanaciju i adaptaciju prostora  
za potrebe Dnevne bolnice Klinike za onkologiju

#### **I**

Prihvata se prijedlog Komisije za javnu nabavku, Izvještaj br. 0305-24633 od 10.05.2018. godine za izvođenje radova za sanaciju i adaptaciju prostora za potrebe Dnevne bolnice Klinike za onkologiju nakon provedenog otvorenog postupka sa objavom obavještenja na Portalu agencije za JN pod brojem: 893-1-3-181-3-73/18 dana 19.03.2018, da se postupak nabavke **poništi u skladu sa tačkom 69./2./d) ZJN (Sl.Glasnik BiH 39/14), jer nijedna od primljenih ponuda nije prihvatljiva.**

#### **II**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

### **O B R A Z L O Ž E N J E**

Na osnovu Odluke o pokretanju postupka javne nabavke br.0203-14840 od 15.03.2018. godine sa procijenjenom vrijednosti nabavke u iznosu od 150.000,00 KM bez PDV-a, Klinički centar Univerziteta u Sarajevu je 19.03.2018. godine objavio Obavještenje o nabavci broj: 893-1-3-181-3-73/18 na portalu e-Nabavke zajedno sa Tenderskom dokumentacijom za izvođenje radova za sanaciju i adaptaciju prostora za potrebe Dnevne bolnice Klinike za onkologiju putem otvorenog postupka.

Tendersku dokumentaciju sa portala za javnih nabavki e-Nabavke preuzelo je 12 (dvanaest) ponuđača, a do krajnjeg roka određenog za prijem ponuda, 19.04.2018 godine, dostavljene su 3 (tri) ponude i to:

1. **DINALSA d.o.o Sarajevo po cijeni od 149.976,20 KM bez PDV-a**
2. **EKO TEH d.o.o. Sarajevo po cijeni od 198.479,25 KM bez PDV-a**
3. **KOLINVEST d.o.o Sarajevo po cijeni od 148.753,11 KM bez PDV-a**

Komisija imenovana Odlukom broj: 0203-18165 od 02.04.2018.godine je izvršila uvid i provjeru dokumenata dostavljenih uz ponude, te ocijenila formalnu i suštinsku valjanost, a polazeći od zahtjevane dokumentacije. Detaljnom analizom Komisija je konstatovala da:

Ponuda ponuđača DINALSA d.o.o. Sarajevo **nije formalno pravno ispravna**, jer nije dostavljena u skladu sa Tačkom 4.3 pod d) tenderske dokumentacije, kojom je definisano: " Potrebno je imenovati voditelje građenja za svaku fazu. Za građevinske i građevinsko zanatske radove traži se dipl.ing. građevinarstva ili dipl.ing. arhitekture, za mašinske instalacije dipl.ing.maš. i za elektroinstalacije dipl.ing. elektrotehnike.Voditelji faza moraju imati najmanje 5 (pet) godina radnog iskustva na poslovima izvođenja radova, ali ne moraju biti stalni uposlenici kod dobavljača. Ponuđač DINALSA d.o.o. Sarajevo nije dostavio dokaz iz tačke 4.3 pod d) da su

voditelji građenja za svaku fazu diplomirani inženjeri i da imaju 5 godina radnog iskustva na poslovima izvođenja radova kako je definisano tenderskom dokumentacijom, te nije uzeta u dalje razmatranje.

Ponuda ponuđača **KOLINVEST d.o.o Sarajevo nije formalno pravno ispravna**, jer nije dostavljena u skladu Tačkom 4.3. pod a) tenderske dokumentacije, kojom je definisano da ponuđač dostavi dokaz za "Uspješno iskustvo kao osnovnog ugovarača u realizaciji najmanje jednog ugovora čiji su karakter i kompleksnost isti ili slični onima koji se odnose na predloženi ugovor (bolnički kapaciteti, vrijednosti ugovora min.150.000,00 KM), u prethodne 3 (tri) godine. Ponuđač **KOLINVEST d.o.o. Sarajevo** dostavio dokaz u realizaciji ugovora Općine Novi Grad Sarajevo u iznosu 269.138,45 KM , što nije u skladu sa zahtjevima definisanim tenderskom dokumentacijom ,kojom je tražena realizacija ugovora na bolničkim kapacitetima u iznosu min.150.000,00 KM, te nije uzeta u dalje razmatranje.

Obzirom da navedene ponude nisu formalno-pravno prihvatljive i da se ne može provesti e –akucija, Komisija ne može prihvatiti ponudu ponuđača **EKO TEH d.o.o Sarajevo** iz razloga što procjenjena vrijednost predmetne nabavke iznosi : **150.000,00 KM bez PDV-a**, a navedeni ponuđač ponudio je ponudu u iznosu od **198.479,25 KM bez PDV-a**.

Zbog gore navedenog, Komisija je dala prijedlog, Izvještaj br. 0305-24633 od 10.05.2018. godine, da se za izvođenje radova za sanaciju i adaptaciju prostora za potrebe Dnevne bolnice Klinike za onkologiju, donese odluka o poništenju postupka nabavke u skladu sa članom 69 stav 2 tačka d) ZJN (Sl.Glasnik BiH 39/14) koji glasi „nijedna od dostavljenih ponuda nije prihvatljiva“.

Prijedlog Komisije je prihvaćen i donijeta je odluka kao u dispozitivu.

  
**GENERALNA DIREKTORICA**

**Prof.dr. Sebiya Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

*Prof. Behović*